



 Rhannwch ein Bwletin â staff eich ysgol ac anogwch eich cyd-weithwyr i ymuno â'n rhestr bostio.

Llythyr Diwedd Tymor gan y Gweinidog Addysg

Mae'r Nadolig yn prysur agosáu a dymuna'r Gweinidog Addysg ddiolch am eich gwaith caled eleni. Cliciwch ar y botymau isod am gopi o'r llythyr:



LLYTHYR I YSGOLION CYNRADD

LLYTHYR I YSGOLION UWCHRADD

Cynnig GwE ar G6

Fel y gwychoch, mae Cynnig GwE, sy'n cynnwys holl fanylion yr hyfforddiant datblygiad proffesiynol y mae GwE yn ei gynnig ar gyfer y flwyddyn nesaf, bellach yn fyw ar G6 [\[https://g6.gwegogledd.cymru\]](https://g6.gwegogledd.cymru).

Er mwyn cofrestru i fynychu'r hyfforddiant sydd wedi'i restru, bydd angen i holl staff yr ysgol greu cyfrif personol yn G6.

Mae modd gwneud hynny drwy ddilyn y **ddolen hon** a chlicio ar y botwm 'Cofrestrwch Nawr'. Gweler y cyfarwyddiadau **yma**.
Gall y dyddiadau/leoliadau newid. Edrychwch ar G6 am y wybodaeth ddiweddaraf cyn i chi fynychu unrhyw ddiwyddiad.

IONAWR 2020	DYDDIAD	LLEOLIAD	CYFRWNG
1C: ANG Hyfforddiant Ymsefydlu – Diwrnod 1 Cynradd [Cymraeg – Plas Menai]	14/01/2020	Plas Menai, Caernarfon	Cymraeg
Conwy / Dinbych – Cyfarfod Rhwydwaith Saesneg	14/01/2020	Canolfan Fusnes Conwy	Saesneg
1C: ANG Hyfforddiant Ymsefydlu – Diwrnod 1 Cynradd [Saesneg – Llanelwy]	15/01/2020	OpTIC, Llanelwy	Saesneg
Fflint / Wrecsam – Cyfarfod Rhwydwaith Saesneg	15/01/2020	Ysgol Maes Garmon, Yr Wyddgrug	Saesneg
Gwynedd / Môn Cyfarfod Rhwydwaith Saesneg	15/01/2020	Warws Werdd, Cibyn, Caernarfon	Saesneg
1C: ANG Hyfforddiant Ymsefydlu – Diwrnod 1 Cynradd [Saesneg – Wrecsam]	21/01/2020	Catrin Finch, Wrecsam	Saesneg
Ysgolion sy'n Wybodys am Drawma [Llandudno]	21/01/2020	Venue Cymru, Llandudno	Saesneg
Llafaredd@GwE CYNRADD [Carfan 3]	27/01/2020	OpTIC, Llanelwy	Saesneg
Hyfforddiant Datguddio [<i>Unearthing</i>] i Ysgolion	31/01/2020	Porth Eirias, Bae Colwyn	Saesneg

Rhaglenni Proffesiynol

Rhaglen Genedlaethol i Ddatblygu Darpar Benaethiaid – Paratoi ar gyfer CPCP

Mae'r rhaglen ddatblygu hon, sy'n para blwyddyn, yn gyfle dysgu proffesiynol cyffrous i arweinwyr ysgol profiadol sy'n dymuno bod yn benaethiaid yn y dyfodol agos. Mae cwblhau'r rhaglen yn ddisgwyliad ar gyfer pob ymgeisydd CPCP y dyfodol. Croesewir ceisiadau gan uwch arweinwyr ysgolion, sydd wedi profi eu gallu, sy'n credu eu bod yn arddangos cyrhaeddiad yn erbyn y Safonau Proffesiynol ar gyfer Addysgu ac Arweinyddiaeth a bod prifathrawiaeth yn gam nesaf realistig iddynt. Dylai ceisiadau gael eu hardystio gan Bennaeth eich ysgol neu gan eich rheolwr llinell, yn dilyn trafodaeth broffesiynol yn seiliedig ar gwblhau Adolygiad o Safonau Arweinyddiaeth (ASA). Y dyddiad cau ar gyfer derbyn ceisiadau yw **17 Ionawr 2020 am 1pm**. Cliciwch **yma** am ragor o wybodaeth a'r dogfennau perthnasol.

Rhaglen Genedlaethol Newydd ar gyfer Darpar CALU (yn arwain at asesiad CALU) ★

Gwahoddir Cynorthwyrwyr Addysgu sy'n arwain gweithgareddau ymyrraeth a chefnogaeth i ymgeisio. Cynhelir y rhaglen 4-diwrnod hon dros nifer o fisoedd a bydd Cynorthwyrwyr Addysgu yn cael eu tywys tuag at asesiad CALU. Y dyddiad cau ar gyfer derbyn ceisiadau yw **10 Ionawr 2020**. Cliciwch [yma](#) am ragor o wybodaeth a'r ffurflen gais.

Cynllun Ysgolion Creadigol Arweiniol mewn partneriaeth â GwE: DATBLYGU CREADIGRWYDD AR DRAWS Y RHANBARTH ★

Mae'r Cynllun Ysgolion Creadigol Arweiniol yn raglen ar y cyd rhwng Cyngor Celfyddydau Cymru a Llywodraeth Cymru sy'n ceisio hyrwyddo ffyrdd newydd o weithio mewn ysgolion trwy feithrin creadigrwydd athrawon a dysgwyr er mwyn codi cyrhaeddiad.

[CLICIWCH YMA AM RAGOR O FANYLION](#)

Digwyddiadau Dysgu Digidol Rhanbarthol

1 DYDD MAWRTH, 10 MAWRTH 2020

VENUE CYMRU, LLANDUDNO

Mae cewri'r byd dysgu digidol yn ymweld â Gogledd Cymru! Google, Microsoft, Minecraft a llawer iawn mwy! Ymunwch â ni mewn digwyddiad arbennig i ddysgu mwy am y datblygiadau diweddaraf yn y maes dysgu digidol. P'un a ydych yn hyderus wrth ddefnyddio technoleg ddigidol i gyfoethogi'r dysgu neu ar gychwyn eich taith ddigidol, bydd rhywbeth defnyddiol ar gael i bawb!

[CLICIWCH YMA AM RAGOR O WYBODAETH AC I GADW EICH LLE](#)



Cyfarfodydd adolygu Ysgolion Haen 3 Prosiect Asesu Ffurfiannol Rhanbarthol (Shirley Clarke)

[Gweler yma](#) ddyddiadau a lleoliadau cyfarfodydd adolygu prosiect Asesu Ffurfiannol (Shirley Clarke) y rhanbarth. Fel y gwyyddoch, mae'r cyfarfodydd hyn yn rhan greiddiol o'r prosiect a gofynnir yn garedig i chi wneud pob ymdrech i fynychu.

Ceir:

- manylion dyddiadau a lleoliadau y cyfarfodydd adolygu i gyd (Cynradd ac Uwchradd)
- manylion ynghylch y cynnwys a threfn y cyfarfod

Gofynnwn i chi ddarllen cynnwys yr atodiadau yn ofalus gan fod yma wybodaeth bwysig am yr hyn fydd yn digwydd a'r hyn sydd angen i chi ddod gyda chi i'r cyfarfod.

Rydym yn cynnal y cyfarfodydd adolygu ar wahân ar gyfer y cynradd a'r uwchradd y tro hwn, gan wahodd ysgolion uwchradd Haen 2 i fynychu'r cyfarfodydd uwchradd hefyd er mwyn rhannu profiadau, trafod ffyrdd ymlaen ac ati.

*****NODWCH FOD LLEOLIAD Y CYFARFOD AR GYFER YSGOLION HAEN 3 WRECSAM AR 21/01/2020 WEDI NEWID I YSGOL FICTORIA*****



GDD - Effaith ac Arfer sy'n seiliedig ar dystiolaeth

DYDD MERCHER, 5 CHWEFOR 2020 – VENUE CYMRU, LLANDUDNO

Ar y cyd â Llywodraeth Cymru, bydd GwE yn cynnal Digwyddiad Ymchwil Addysgol Rhanbarthol drwy gyflwyno Seminar yr *Education Endowment Foundation*.

Bydd y gweithdy yn edrych ar:

- Becyn adnoddau yr EEF: *bridging gap between educational research and classroom practice*.
- *The Sutton Trust* - Mae Pecyn Dysgu ac Addysgu yr EEF - [Teaching and Learning Toolkit](#) - yn crynhoi miloedd o ddarnau ymchwil academiaidd, ac yn eu cyflwyno mewn ffordd ymarferol, hylaw a chadarn.
- Rhannu arferion llwyddiannus ledled y rhanbarth o ran ymyrraethau/rhaglenni allweddol a'u heffaith.
- Pwysigrwydd ymyrraeth gynnar yn y dosbarth o ran llythrennedd, rhifedd a chau'r bwlch.

COFRESTRWCH DRWY G6.



Education
Endowment
Foundation



Llywodraeth Cymru
Welsh Government

Gwahoddiad i Ymuno â Phrosiect Ymchwil 'Standing Together' ★

CEFNOGI LLESANT CYMDEITHASOL AC EMOSIYNOL PLANT MEWN YSGOLION CYNRADD

A yw eich ysgol am wella ymddygiad a llesiant disgyblion? Mae GwE yn falch iawn o gael cefnogi prosiect cyffrous a phwysig sy'n edrych ar sut y gellir lleihau bwlch a hybu llesiant disgyblion CA2. Bydd y prosiect *Standing Together* yn treialu effaith rhaglen gwrth-fwlwio o'r enw KiVa o'r Ffindir mewn ysgolion yng ngogledd Cymru a Lloegr. Gwelwyd bod KiVa yn effeithiol o ran lleihau bwlch a gwella llesiant disgyblion mewn ysgolion cynradd, ac mae wedi'i chyflwyno mewn mwy na 90% o ysgolion Y Ffindir.

[CLICIWCH YMA I DDARLLEN Y LLYTHYR](#)



[CLICIWCH YMA AM RAGOR O FANYLION](#)

Cynadleddau a Chyfleoedd gan Eraill

Gweler isod manylion y cyfleoedd a allai fod yn ddefnyddiol yn eich ysgol. Sylwch nad yw GwE o reidrwydd yn cymeradwyo nac yn sicrhau ansawdd y cyfleoedd isod. Cysylltwch â'r sefydliadau'n uniongyrchol os oes gennych ymholiadau:

LEAP Awstralia 2020

YDYCH CHI'N ARWEINYDD MENTRUS YN Y BYD ADDYSG AC YN CHWILIO AM BROFIAD ARWEINYDDOL GWREIDDOL, BLAENGAR A CHYDWEITHREDOL AR LEFEL RYNGWLADOL?

Rhaglen tymor byr (2 x 2 wythnos) yw LEAP, ble byddwch yn cysgodi cyd-weithiwr, a chael eich cysgodi, yn eich tro. Caiff aelodau o Awstralia eu paru efo addysgwyr o feddylfryd cyffelyb yn Hemisffer y Gogledd, sy'n gweithio ar lefel broffesiynol debyg, ac sydd â diddordebau personol tebyg. Y prif nod yw dod ag arweinwyr addysg o bedwar ban byd at ei gilydd i drafod yn broffesiynol, a rhannu profiadau. Bydd y dysgu yn ddwfn a chyfoethog, y rhannu yn dreiddgar a'r cyfeillgarwch yn wefreiddiol. Am ragor o wybodaeth cysylltwch â Ruben.Chapela-Orri@cardiff.gov.uk neu emily.daly@internationallinks.co.uk

Erasmus+ 2020

EFALLAI MAI DYMA FYDD EICH CYFLE OLAF i gael DPP wedi'i ariannu yn y Ffindir, Denmarc, Romania, Sbaen, Gwlad Groeg, Gwlad Pwyl, efo rhagor o brosiectau i gael eu hychwanegu.

Ym mis Mehefin 2019, gwelwyd 10 miliynfed aelod Erasmus+ yn cymryd rhan mewn ymweliad traws-wladol. Mae 600,000 o bobl ledled y DU wedi bod yn rhan o ymweliadau Erasmus er 2014. Pob blwyddyn, trefnir cyfleoedd DPP i 500 o athrawon yng Nghymru, ymweliadau traws-wladol efo disgyblion cynradd ac uwchradd, a phrosiectau cydlynol efo ysgolion yng Nghymru ar y cyd ag ysgolion, athrawon a disgyblion ar draws Ewrop.

Os hoffech fod yn rhan o geisiadau Erasmus+, cysylltwch â Ruben.Chapela-Orri@cardiff.gov.uk a bydd yntau'n gweithio ar eich tanysgrifiad cyn gynted â phosibl er mwyn i chi allu ymuno.



Menter Ysgolion y Dreftadaeth Gymreig

Mae pwyllgor Menter Ysgolion y Dreftadaeth Gymreig yn bwriadu trefnu digwyddiad i ddathlu deng mlynedd ar hugain ers ei sefydlu. Fe'i cynhelir yn yr **Amgueddfa Lechi Genedlaethol, Llanberis (Ystafell Padarn) ar 8 Gorffennaf 2020**. Anfonir gwahoddiadau allan yn y Flwyddyn Newydd. Bydd cynrychiolydd o bob ysgol yng ngogledd Cymru sydd wedi cymryd rhan yn y gystadleuaeth (gan gynnwys yn 2019-20) yn derbyn gwahoddiad.



Diwrnod Agored TEEP - Ysgol Brynrefail

DYDD GWENER, 17 IONAWR 2019

Mae Ysgol Brynrefail wedi llwyddo i ennill statws achrededig TEEP (Teacher Effective Enhancement Programme). Cynllun SSAT yw hwn sydd yn seiliedig ar ddulliau dysgu ac addysgu cyffrous, perthnasol ac effeithiol. Mae'r dulliau addysgu hyn yn cyd-fynd ag egwyddorion pedagogiaid rhagorol sydd yn sylfaen i'r cwricwlwm newydd yng Nghymru.

[CLICIWCH YMA AM RAGOR O FANYLION AC I GOFRESTRU](#)



YSGOL BRYNREFAIL

teep ambassador school

teacher effectiveness enhancement programme®

UCHELGAIS

PARCH

DYCNWCH

Rhaglen 'bontio' newydd ar gyfer athrawon cynradd sy'n siarad Cymraeg ac yn dymuno addysgu mewn ysgolion uwchradd

YDYCH CHI'N ATHRO NEU ATHRAWES YSGOL GYNRADD SY'N SIARAD CYMRAEG? YDYCH CHI WEDI YSTYRIED ADDYSGU MEWN YSGOL UWCHRADD?

Mae rhaglen newydd Llywodraeth Cymru yn rhoi cyfle i athrawon cynradd sy'n siarad Cymraeg [gan gynnwys athrawon nad ydynt mewn swydd barhaol neu rai nad ydynt mewn swydd ar hyn o bryd] i addysgu mewn ysgol uwchradd.

Mae rhaglen beilot yn cynnig datblygiad proffesiynol ac opsiwn gyrfa ychwanegol i athrawon cynradd. Mae'n agored i athrawon cynradd Cymraeg eu hiaith sydd â Statws Athro Cymwysedig a fyddai'n ystyried addysgu drwy gyfrwng y Gymraeg mewn ysgol uwchradd. Os oes angerdd gennych mewn pwnc arbennig, neu ag awydd addysgu mewn ysgol uwchradd, dyma'ch cyfle. Ewch amdani!



Roeddwn i mor hapus i dderbyn yr her newydd.

Rhys, Drama

#AddysguCymru
darganfyddaddysgu.cymru

ADDYSG CYMRU
EDUCATION WALES

CLICIWCH YMA AM RAGOR O FANYLION



ADDYSG CYMRU
EDUCATION WALES
cenhadaeth ein cenedl | our national mission



Llywodraeth Cymru
Welsh Government

Bore Agored Ysgol Eirioli

YSGOL Tŷ FFYNNON, SHOTTON, GLANNAU DYFRDWY, CH5 1HX

05/02/2020 9:30 – 11:30



Dewch draw i'n Bore Agored i weld yr arferion gorau wrth ddefnyddio *Numicon* ar draws yr ysgol gyfan.

MWY O FANYLION:

Ar gyfer Penaethiaid, athrawon, UDA neu gydlynwyr Mathemateg

Penodwyd Ysgolion Eirioli Numicon wedi iddynt ddangos eu bod nhw'n dysgu ac yn addysgu drwy ddefnyddio dull Numicon i gyflwyno mathemateg ar draws yr ysgol gyfan. Yn seiliedig ar y dull gweithredu haniaethol - darluniadol. Mae Numicon yn annog plant i archwilio mathemateg drwy gyfrwng delweddau a chyfarpar er mwyn deall ac egluro cysyniadau mathemategol.

Wrth ddod i'r bore agored di-dâl hwn, cewch gyfle i arsylwi gwersi a holi am brofiadau'r ysgol o ddefnyddio Numicon, gan gynnwys yr effaith ar ganlyniadau, ymddygiad ac ymroddiad disgyblion.

Dewch draw i weld sut all Numicon weddnewid dysgu ac addysgu mathemateg yn eich ysgol chi.

ARCHEBWCH EICH LLE
YN RHAD AC AM DDIM



Cyfarchion y Tymor a Dymuniadau Gorau am Flwyddyn Newydd Dda gan bawb yn GwE

Cofiwch ddilyn @GwEGogleddCymru ar Twitter

GwEGogledd.Cymru

Am ragor o wybodaeth, ewch i'n [gwefan](#)

Rydym wedi diweddaru ein polisi preifatrwydd i adlewyrchu newidiadau i'r ddeddf gwarchod data. Gallwch weld y polisi [yma](#)
Rydych chi wedi tanysgrifio i dderbyn bwletin GwE. Fodd bynnag, os nad ydych chi dymuno derbyn y bwletin rhagor gallwch ddatdanysgrifio drwy gysylltu â bwletin@gwegogledd.cymru yn nodi'r cyfeiriad e-bost sydd wedi'i gofrestru.

